

Rama Rama rato | By Gurmeet,Tripti Shakya |

Rama Rama rato, karo safal umariya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.

Ae prani hai teri zindagi, ek andhiyaari raat re,
Le le sahaara Ram naam ka, jap ki maala haath re,
Saath na chute, aas na toote, Ram ka hai bada kaam re,
Rama hi bharenge, teri bhakti ki gagariya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.

Ram naam ke saagar se tu, bhar le ek gagariya re,
Is paaras se sona kar le, man ki sooni nagariya re,
Bade-bade rishiyon ne hai gaya, bas ek Ram ka naam re,
Saare rishte jhootha, sanche Rama hi saawariya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.

Bade-bade guni jaan na paaye, Ram ki leela mahaan re,
Ram hi srishti ke nirmaata, Ram ko pagle jaan re,
Rama ko to Ram hi jaane, jo Treta avataar hai,
Rama Rama jape saari nagari Avadhiya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.

Do akshar ke naam me dekho, teen lok samaaye hain,
Jo bhi inka smaran karte, bhav saagar tar jaaye hain,
Maryada jo sikhlaate, aise niraale Ram hain,
Raghurai bolo chahe Ram rachaiya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.

Rama Rama rato, karo safal umariya,
Mil jaayegi dagar, jap loge jo gar,
Prabhu Ram ka naam, Ram ka naam,
Rama Rama rato, karo safal umariya.